

## Cynllun Ymgynghori: Canllawiau Cynllunio Atodol

<b>Enw'r Ymgynghoriad:</b> <b>Canllaw Cynllunio Atodol:</b> <b>Cynnal a chreu cymunedau</b> <b>nodedig a chynaliadwy</b>	<b>Gwybodaeth/ dyddiadau allweddol/ gweithgareddau</b>
<b>1. Pam mae angen ymgynghori (crynodeb byr, e.e. gofyniad statudol, datblygu polisi, ayb)?</b>	<p>Ar ôl mabwysiadu'r Cynllun Datblygu Lleol ar y Cyd mae angen paratoi cyfres o Ganllawiau Cynllunio Atodol am bynciau penodol. Mae'r Cynllun yn adnabod Canllaw Cynllunio Atodol: Cynnal a chreu cymunedau nodedig a chynaliadwy fel un o'r gyfres. Pwrpas y canllawiau ydi dweud sut y dylid dehongli a chymhwyso polisiau'r Cynllun mewn amgylchiadau neu ardaloedd penodol. Nid yw canllawiau cynllunio atodol yn rhan o'r Cynllun ond rhaid iddynt fod yn gyson â'r Cynllun ac â pholisi cenedlaethol. Rhaid iddynt ddeillio o bolisi generig yn y Cynllun, polisiau penodol ar gyfer lleoedd, a/neu ddynodiad yn y Cynllun, a chroesgyfeirio'n glir at y ffynonellau hynny. Yn ôl Llawlyfr ar Gynlluniau Datblygu Lleol (2015) dylai Canllawiau fod yn destun ymgynghoriad a ddilynir gan y newidiadau angenrheidiol cyn eu mabwysiadu'n ffurfiol. Mae'n debyg mai ychydig o bwys a roddir ar Ganllawiau nad ydynt yn bodloni'r meini prawf hyn mewn unrhyw apêl cynllunio.</p>
<b>2. Beth yw'r prif amcanion?</b>	<p>Sicrhau bod:</p> <ol style="list-style-type: none"> <li>i. y Canllaw yn cyflawni ei bwrpas, sef rhoi arweiniad clir ynglŷn â sut ddylid dehongli polisiau penodol yn y Cynllun;</li> <li>ii. bod budd-ddeiliaid perthnasol yn ymwybodol o'r cyfle trwy'r ymgynghoriad cyhoeddus i weld y Canllaw ar ei ffurf drafft, ac i wneud sylwadau ysgrifenedig ar ei gynnwys;</li> <li>iii. bod yr ymatebwyr yn gwybod sut fydd eu hymatebion yn cael sylw, bod modd i'w hymatebion arwain at newid yn y Canllaw, a phwy fydd yn gwneud y penderfyniad terfynol am gynnwys y Canllaw.</li> </ol>
<b>3. Beth sydd angen ei ddarganfod?</b>	<p>A yw'r Canllaw yn:</p> <ol style="list-style-type: none"> <li>i. rhoi disgrifiad cadarn o 'gymuned nodedig a chynaliadwy' yn y cyd-destun lleol?</li> <li>ii. adnabod y 'teulu' llawn o bolisiau sy'n mynd i hyrwyddo datblygiad a fydd yn cyfrannu i gynnal neu greu cymunedau nodedig a chynaliadwy?</li> <li>iii. rhoi arweiniad cadarn o wybodaeth a fyddai ei angen i gefnogi ceisiadau cynllunio perthnasol?</li> <li>iv. cynnwys eglurhad cadarn o ystyriaethau allweddol ym Mholisi PS 1, e.e. beth olygir gyda safle ar hap annisgwyl, niwed o sylwedd, ayb;</li> <li>v. yn rhoi fframwaith cadarn i gynorthwyo ymgeisydd i ystyried beth fydd effaith (positif neu negyddol) datblygiad ar hyfywedd y Gymraeg mewn cymunedau wrth lunio datblygiad arfaethedig, ac i gynorthwyo swyddog cymwys i roi cyngor ac arweiniad i Swyddog Cynllunio ar ôl i'r cais cynllunio gael ei gyflwyno;</li> </ol>

## EITEM 5 ATODIAD 4

<b>Enw'r Ymgynghoriad:</b> <b>Canllaw Cynllunio Atodol:</b> <b>Cynnal a chreu cymunedau</b> <b>nodedig a chynaliadwy</b>	<b>Gwybodaeth/ dyddiadau allweddol/ gweithgareddau</b>
	vi. rhoi digon o arweiniad i'r ymgeisydd a'r sawl a fydd yn ei gynghori ynglŷn â lle a sut i gael gwybodaeth.
<b>4. Efo pwy fyddwn yn cysylltu?</b>	i. Y cyhoedd yn gyffredinol; ii. Cyrff ymgynghori perthnasol, e.e. cynghorau cymuned a thref, Cyfoeth Naturiol Cymru, CADW, awdurdodau cynllunio cyfagos, Llywodraeth Cymru (Adran Cynllunio ac Is- adran y Gymraeg), Swyddfa Comisiynydd y Gymraeg; iii. Grwpiau diddordeb arbennig, e.e. Pwyllgor Ymgyrch Tai a Chynllunio Gwynedd a Môn, Ymgyrch Diogelu Cymru Wledig, Merched y Wawr; Hunaniaith, Menter Iaith Môn. iv. Unigolion efo diddordeb arbennig, h.y. unigolion ddaru gyflwyno sylwadau am Bolisi PS 1 yn y Cynllun Datblygu Lleol ar y Cyd; v. Ymgynghorwyr cynllunio sy'n rhoi cyngor i ymgeiswyr am ganiatâd cynllunio.
<b>5. Pryd fyddwn yn ymgynghori?</b>	Os ceir cefnogaeth y Pwyllgor Polisi Cynllunio ar y Cyd yn ei gyfarfod ar 16 Tachwedd 2018, anelir i ddechrau'r cyfnod ymgynghori cyhoeddus (7 wythnos) yn ystod mis Rhagfyr 2018.
<b>6. Sut fyddwn yn ymgynghori?</b>	i. Copi electronig o'r Canllaw ar wefan y ddau Gyngor; ii. Copi caled o'r Canllaw yn llyfrgelloedd cyhoeddus a phrif swyddfeydd y Cyngor yng Ngwynedd ac ym Môn; iii. Holiadur ar wefan y ddau Gyngor; iv. Holiadur pdf ellir ei olygu a chopi word ar wefan y ddau Gyngor; v. Copi caled o'r ffurflen yn llyfrgelloedd cyhoeddus a phrif swyddfeydd y Cyngor yng Ngwynedd ac ym Môn.  Nodir na fyddwn yn ymateb yn uniongyrchol i ymatebion yr ymatebwyr. Rhoddir gwybod adeg yr ymgynghori cyhoeddus o'r bwriad i gofnodi'r ymatebion perthnasol a'u hystyried ac yna i baratoi adroddiad am yr ymgynghoriad cyhoeddus a gaiff ei chyhoeddi ar wefan y ddau Gyngor adeg cyhoeddi rhaglen y Pwyllgor Polisi Cynllunio ar y Cyd (gweler 11 isod).
<b>7. Sut fyddwn yn rhoi gwybod am yr</b>	i. Gwefan y Cynghorau – hysbysiad ar dudalen flaen, ar y dudalen ymgynghori a thudalen polisi cynllunio; ii. Llythyr ac e-bost i'r budd-ddeiliaid a enwir uchod; iii. Rhaeadr (Cyngor Gwynedd) & tudalen gwybodaeth ar lein Cynghorwyr Cyngor Sir Ynys Môn & Monitor;

## EITEM 5 ATODIAD 4

<b>Enw'r Ymgynghoriad:</b> <b>Canllaw Cynllunio Atodol:</b> <b>Cynnal a chreu cymunedau</b> <b>nodedig a chynaliadwy</b>	<b>Gwybodaeth/ dyddiadau allweddol/ gweithgareddau</b>
<b>ymgynghoriad cyhoeddus?</b>	iv. Tudalennau trydar a Facebook y ddau Gyngor; v. Datganiad i'r wasg.
<b>8. Pwy fydd yn dadansoddi'r sylwadau?</b>	Yr Uned Polisi Cynllunio ar y Cyd wrth ymgysylltu gyda swyddogion cynllunio perthnasol, swyddogion datblygu'r iaith Gymraeg yn y ddau Gyngor, a'r arbenigwyr a gomisiynwyd i gynorthwyo i baratoi'r Canllaw drafft ymgynghorol hwn.
<b>9. Sut fyddwn yn ymateb i'r sylwadau?</b>	Paratoi adroddiad ymgynghori a fydd yn crynhoi sylwadau unigol a dderbynnir yn ystod y cyfnod ymgynghori cyhoeddus gyda sylwadau'r Uned Polisi Cynllunio ar y cyd wrth eu hymyl, yng nghyd â geiriad unrhyw newidiadau sy'n angenrheidiol i gyfarch ymatebion perthnasol.
<b>10. Pwy fydd yn derbyn yr adroddiad am y sylwadau a'r ymateb iddynt a phryd fydd hynny'n digwydd?</b>	Bydd y Panel Cynllun Datblygu Lleol ar y Cyd ac yna'r Pwyllgor Polisi Cynllunio ar y Cyd yn derbyn copi o'r adroddiad ymgynghori ynghyd â chopi o'r Canllaw diwygiedig (a fydd yn ymgorffori newidiadau yn sgil asesiad o'r ymatebion a dderbyniwyd yn ystod y cyfnod ymgynghori cyhoeddus). Anelir i wneud hyn yn ystod mis Mawrth a mis Mai 2019, yn y drefn honno. Mae'r amserlen derfynol yn ddibynnol ar yr ymateb a dderbynnir yn ystod y cyfnod ymgynghori cyhoeddus, - nifer o sylwadau, eu sylwedd a'r angen i wneud newidiadau.
<b>11. Sut fyddwn yn rhoi adborth i'r ymatebwyr a phryd fydd hynny'n digwydd?</b>	Gwefan y Cynghorau - cyhoeddi'r adroddiad ymgynghori cyhoeddus adeg cyhoeddi rhaglen a phapurau cyfarfod Pwyllgor Polisi Cynllunio ar y Cyd (Mai 2018 - dyddiad i'w gadarnhau).  Ysgrifennu at y rhai a gyfrannodd yn ystod y cyfnod ymgynghori cyhoeddus adeg mabwysiadu'r Canllaw.
<b>12. Pwy fydd yn gwerthuso'r cynllun ymgynghori yma a phryd fydd hynny'n digwydd?</b>	Panel Cynllun Datblygu Lleol ar y Cyd – 22 Mawrth 2018 Gweithgor Ymchwiliad Craffu Cymunedau (Cyngor Gwynedd) – Mawrth 2018